

NOTA DE PRENSA

ALEGACIÓNS AO PROXECTO DE ORZAMENTO MUNICIPAL DO CARBALLIÑO ANO 2020

Dada a situación excepcional que estamos a vivir, entendemos que as medidas a tomar tamén deben ser extraordinarias. Somos coñecedores do tremendo impacto económico que está a darse na nosa veciñanza motivada pola alarma sanitaria producida polo COVID-19.

O Concello de O Carballiño debería haber retirado o proxecto de orzamentos presentado e aprobado en pleno o pasado 10 de marzo e presentar outro proxecto que dese cobertura económica as persoas do Carballiño, moi especialmente as familias máis vulnerables, traballadores autónomos, PEMEs e traballadores por conta allea.

Non foi o caso, e dende o Círculo de Podemos no Carballiño vimos de presentar unha batería de 13 alegacións para que este proxecto de orzamentos presentado dea cobertura e asistencia a xente do Carballiño.

Independentemente de que resulta totalmente incomprensible e inadmisíbel que o procedemento posterior aprobación inicial do expediente do orzamento municipal do Carballiño para o exercicio 2020, non estea suspendido en base ao recollido na disposición adicional terceira do Real Decreto 463/2020, de 14 de marzo, ao deixar constancia que se suspenden os términos e quedan interrompidos os prazos de tramitación dos procedementos das entidades do sector público, e sobre todo incidir en a suspensión se aplicará a todo o sector público definido na Lei 39/2015, de 1 de outubro, non se entende porque dita suspensión non se aplica a este expediente de orzamento xeral municipal.

Aparte de esta disposición, tampouco comprendemos a continuación na tramitación de este expediente cando se ve claramente que a proposta de orzamento municipal debe modificarse no seu contido, para poder facer fronte as necesidades de imprevistos xurdidos do estado de alerta sanitaria producida polo COVID-19 e que se contempla no Real Decreto 463/2020, de 14 de marzo.

Tido en conta o anterior, e dada a NON suspensión dos prazos nin a modificación do expediente dende o Círculo de Podemos no Carballiño presentamos as seguintes alegacións:

PRIMEIRA.-En base ao artigo 3 do Real Decreto-ley 8/2020, de 17 de marzo, de medidas urgentes extraordinarias para facer fronte al impacto económico y social del COVID-19, **solicitamos que se destine o superávit (remanente de tesourería) do ano 2019 para a financiación de gastos de inversión na área de servizos sociais e de promocións social.**

Ditas actuacións incluírán axudas para familias, traballadores e traballadoras autónomas, traballadores pro conta allea e empresas con residencia ou/e sede social no concello do Carballiño.

Tendo en conta que o estado do Remanente de Tesourería presentado no expediente presenta un saldo de dubidoso cobro de 3.271.280,60 €, solicito que o Remanente de Tesourería para gastos xerais (I+II+III) real se destine ao anteriormente exposto.

SEGUNDA.- Solicito incremento da dotación orzamentaría nas seguintes áreas:

GRUPO DE PROGRAMA	PROGRAMA	SUBPROGRAMA		CONTÍA INICIAL	CONTÍA FINAL
231	13	480,00	EMERXENCIA SOCIAL	10.000	100.000
231	13	480,05	SUBVENCIÓN DIRECTA "ASDIFICA"	0	5.000
135	11	221,99	SUMINISTROS VARIOS PROTECCIÓN CIVIL	3.000	6.000
135	11	224,01	PRIMAS SEGUROS VOLUNTARIOS	2.500	4.000
241	11	227,06	PROGRAMAS INTEGRADOS PARA O EMPREGO	4.500	9.000
241	11	227,99	ACTUACIÓNS PARA O FOMENTO DE EMPREGO	6.000	10.000
326	00	480,01	AXUDA ESCOLAR	5.000	25.000
431	20	480,00	SUBVENCIÓN DIRECTA PRAZA DE ABASTOS	5.000	20.000
431	40	227,09	INICIATIVAS DINAMIZACIÓN COMERCIAL	6.320	30.000

TERCEIRA.- Estudar e desenrolar no Concello de O Carballiño **un servizo municipal de URXENCIA SOCIAL motivado pola situación do COVID-19 para dar atención permanente e inmediata a persoas en situación de emerxencia social** sobrevidas pola

actual situación de alarma social (DOTACIÓN A CARGO DO REMANENTE DE TESOURERÍA)

Desenrolar actividades como detección e diagnose das problemáticas, acollida, desprazamentos, plans de intervención, información e/ou orientación, derivación e traballo conxunto con outras entidades públicas e privadas.

	DOTACIÓN INICIAL	DOTACIÓN FINAL
SERVIZO MUNICIPAL URXENCIA SOCIAL COVID-19	0	200.000

CUARTA.- Implantación da denominada **LACENA SOLIDARIA**, proposta que busca a creación de un fondo de alimentos non perecedoiros, material hixiénico e sanitario por parte do concello de O Carballiño en colaboración con distintas ONGs do noso concello para a súa supervisión.

	DOTACIÓN INICIAL	DOTACIÓN FINAL
LACENA SOLIDARIA	0	30.000

QUINTA.- Para que os incrementos solicitados non rompan a estrutura establecida pola Orde EHA/3565/2008, do 3 de decembro, pola que se aproba a estrutura dos orzamentos das entidades locais, modificada pola Orde HAP/419/2014, do 14 de marzo, e a aprobación final dos mesmos se realice dentro do marco de estabilidade orzamentaria de acordo aos principios derivados do Pacto de Estabilidade e Crecemento, incluídos na Lei Orgánica 2/2012, do 27 de abril, de Estabilidade Orzamentaria e Sustentabilidade Financeira rexida polos principios de pluralidade, transparencia, eficiencia na asignación e utilización de recursos públicos, responsabilidade e de lealdade institucional, propoño a rebaixa nas contías asignadas dos seguintes puntos:

GRUPO DE PROGRAMA	PROGRAMA	SUBPROGRAMA		CONTÍA INICIAL	CONTÍA FINAL
132	11	151,00	GRATIFICACIÓNS EXTRAORDINARIAS	32.000	25.000
334	12	204,00	ALUGER MATERIAL ILUM. SON E OUTROS	30.000	15.000
334	12	227,06	ACTUACIÓNS E ESPECTÁCULOS	45.000	20.000

338	11	480,01	COMISIÓN FESTAS PATRONAIS	33.000	20.000
432	12	227,99	FESTEXOS POPULARES	100.103,11	50.000
912	11	226,01	ATENCIÓNS PROTOCOLARIAS	22.000	10.000
912	11	226,02	DIFUSIÓNS INFORMATIVAS	60.300	25.000

SEXTA.- No informe de intervención omítese algunha lexislación que é aplicable a estes orzamentos presentados xa que en estas normas se impoñen condicións e esixencias a certos gastos, ingresos e/ou procesos a seguir no Concello e moi especialmente no proceso orzamentario. Entre as mesmas e a título de exemplo se citan:

Real Decreto 861/ 1986, do 25 de abril, polo que se establece o Réxime de Retribución dos funcionarios da Administración Local;

Decreto 143/2016, de 22 de setembro, que aprueba el Reglamento de la Ley 2/2016, de 10 de febrero, del suelo de Galicia;

Ley 9/2010, de 4 de noviembre, de aguas de Galicia;

Pedimos por tanto que se incluía, non só a súa referencia na normativa aplicable, senón tamén a través do desenvolvemento orzamentario se garden e se fagan cumprir os seus preceptos.

SÉTIMA.- Non hai en todo o expediente do orzamento unha mínima xustificación de todos os ingresos, ou cando menos dos máis significativos pola súa importancia económica, que non estén sometidos a un padrón. Co cal non hai ningunha xustificación da súa racionalidade dos ingresos do capítulo IV, de transferencias correntes. Vulnérase así o artigo 168.1.e do R.D. Legislativo 2/2004 que esixe que se dean as bases utilizadas para a avaliación dos ingresos, que non aparece en ningún documento ou informe que acompañan ao orzamento.

OITAVA.- o anexo de cargos electos se define de xeito totalmente impreciso nas circunstancias de percepción de dietas dos cargos electos, e vulnera o artigo 97.2 do Texto Refundido da Lei da Seguridade Social. Eso sin entrar na valoración de que a percepción de un salario fixo mensual e a súa dada de alta na Seguridade Social se ten que corresponder co exercicio de unha xornada normal/parcial pero sistemática e regular, cousa que algún membro electo non cumpre precisamente.

NOVENA.- No orzamento do gasto resumen por capítulos, no capítulo VI, inversións reais destínanse 285.509,65 €. No anexo de investimento detállase cada partida, e é totalmente insuficiente a dotación de dito capítulo.

DÉCIMA.- No documento Orzamento 2020 capítulo I funcionarios-laborais-RPT, se aprecia que os niveis dos postos de traballo que se asignan ao persoal funcionario varían entre o nivel 14 de un subalterno/a notificador/a e o nivel 30 asignado aos funcionarios habilitados estatais.

Analizados estes niveis vese unha descoordinación entre o establecido nas normas estatais onde se fixan os importes para os diferentes niveis e diferentes conceptos retributivos. Según os niveis aprobados en sesión plenaria, os postos de intervención e secretaría están equiparados (o de tesourería non), a título de exemplo, ao mesmo que un Director Xeral da Administración Xeral do Estado.

O resultado de esta comparación fai pensar que os niveis retribuídos están asignados con un criterio claramente especulativo, realizados cunha falta total de obxectividade e dende logo, con unha falta total de equidade co resto de persoal funcionario público xa que estarían asignados niveis máis altos en este Concello que a outros funcionarios en outras administracións con máis responsabilidade, tanto no posto como no desempeño. Pedimos se revisen os niveis asignados ao persoal funcionario.

UNDÉCIMA.- De forma xeral, nos distintos niveis dos distintos grupos en relación ao complemento específico se pode constatar un incumprimento do estipulado no artigo 7 do R.D: 861/1986, que fixa os límites para este complemento.

DUODÉCIMA.- En toda a documentación do expediente non se define en ningún anexo a masa salarial dispoñible para a asignación do complemento específico, o que supón unha vulneración do artigo 4 do R.D. anteriormente citado nos seus apartados 2 e 4. Débese especificar no proxecto de orzamento cal é o montante de esta masa retributiva. Remarcar que a norma nos di que o montante económico do complemento específico se limita ao 75% do montante retributivo global.

DÉCIMOTERCEIRA.- Como ven sendo habitual en este Concello, todos os ingresos con orixe nos censos fiscais, tales como os impostos directos, considéranse na súa totalidade, sin ter en conta despois que unha parte nada desprezable, deveñen en ingresos imposibles ou de dubidoso cobro. Basta ver o informe do Remanente de Tesourería ou os dereitos pendentes de cobro do 2019.

Sin ter que facer unha estimación plurianual dos orzamentos do Concello de O Carballiño, pódese dicir que sistematicamente sempre quedan saldos que finalmente terminarán en perdas do exercicio correspondiente. Claro está, despois de producir un déficit orzamentario.

Tendo en conta a perspectiva do anteriormente relatado, o racional e lóxico é que cautelarmente na previsión dos ingresos, según os censos, unha porcentaxe dos mesmos, por cautela económica se viran minoradas as partidas orzamentarias correspondentes. A porcentaxe a aplicar en esta minoración debería estar determinada pola área de intervención municipal según o historial dos últimos exercicios.

Buscamos con estas alegacións, sobre todo coas cinco primeiras, darlle un espectro máis social e solidario ao expediente inicial dos orzamentos do Carballiño para o exercicio 2020, buscando que ningunha persoa quede atrás e intentando dar cobertura a todas as necesidades das nosas veciños e veciñas.

O Carballiño, 06 de abril de 2020
Círculo de Podemos no Carballiño.